

# Jab Ba “JAB” Ńane “KWOJELA”

*Juon melele in Kajinet nan ro rej Kejbarok nan Jibañ  
Iminene im Ainemmon im Ejmour ñan Ajiir im  
Jodikdik ro rej Bed ilo Kejbarok eo an Foster*

---

Emoj Kwalok jen Ra eo an State eo an  
Hawaii ej bōk Eddon Jibañ ko an Armij im  
Jikin eo ej lale Ainemmon im Ejmour ko an  
Ajiri (State of Hawai'i Department of  
Human Services Child Welfare Services)



## KEMELELE KO

Nan “jela” melelein jela kin kakien eo im elabtata melelein am jela aikuij ko an ajiri/jodikdik eo im joñan melele ko an. Lomnak ko jen jinen ak jemen kin ta iminene ej aikuij kelet eo ejimwe.

Ro rej Lelok Kejbarok im Jikin ko rej Kejarok Ajri (CCI) rikejbarok ej aikuij kojerbal jonan eo emmon im niknik ikijen nejnej ñan lale elañe rej lelok kōmelim ñan an ajiri/jodikdik bōk kwōnaer ilo makutkut ko rekkar ñan joñan yiō ak ekkar ñan aer eddek ilo makutkut ko an alikin jikuul, kobalok ibben ro jet, im makutkut ko an manit.

Rijerbal in CWS ro im Armij rej Lelok Jiban in Kejbarok im/ak rikejbarok eo jen CCI renaj jermal ibben doon nan loloorjak ewōr makutkut im ien ko ñan ajiri/jodikdik ro rej bed ilo kejbarok in foster. Kajitok kein im uwaak ko rej kwalok einwot kein kajinet im ejab koba aoleb jekjek ak wāween ko remaron walok. Jouj im kebaak rijerbal in social work ak GAL/CASA eo an ajiri/jodikdik ñan uwaak ko kin jabdewot melele eo ejab bed ilo beba in ñan aer kalikar waj.

---

*\*Ejellok eddo kin melele ko ikijen Kakien in Madmōd ko an Hawaii (Hawai'i Administrative Rules, HAR) im Kakien ko an Hawaii Emōj kōkkāāl (Hawai'i Revised Statutes, HRS) ilo pepa in: Rejab koba aoleb kakien ko im emaron wor oktak innem kwōn jouj im kōmmāne ijo kwōnaam im lale elane ewōr oktak ilo HAR im HRS.*

© 2016 Ra eo an State eo an Hawaii ej bōk Eddon Jibañ ko an Armij, Jikin eo ej lale Ainemmon im Ejmour an Ajiri (State of Hawai'i Department of Human Services, Child Welfare Services)

## MAKUTKUT KO ALIKIN JIKUUL, IBBEN RO JET, MANIT IM JITOB

### ***Kajitok 1: Ajri ro/jodikdik ro im rej bed iumwin kejbarok an foster emelim ke aer bōk kwōnaer ilo ikkure keem ko im bed ilo makutkut ko jet rej koba ibben armij?***

**Uwaak: Aet.** AOLEB ajri/jodikdik ro im rej bed iumwin kejbarok eo an foster, jekdon rej bed ilo juon imōn jokwe an baamle ej lelok jiban in kejbarok ak ilo juon Imōn Kejbarok Ajiri, rej aikuj im wōr tokjen aer bōk kwonaer ilo iminene ko ekkar ñan joñan yiō ko aer im joñan aer melele. Mennin ekoba bōk kwonaer ilo makutkut ko ibben ro jet, jera, kamōnōnō, eb ko an jikuul, manit, kabun, im makutkut ko ilo jukjukinbed. Juon ajiri/jodikdik ej bōk kwōnaan ilo ikkure keem ko, jekdon ibben jikuul eo aer ak ibben jukjukinbed eo aer ej juon.

Komelim im rōjan an ajiri/jodikdik eo, im ejela make kommane aikuj ko an ekkar nan jonan an yio im jonan an melele, nan bok kwonaan ilo makutkut ko rekkar ilo an bed iturin ro jet im ikkure ko alikin jikuul nan jiban kolablok an jela bed iturin ro jet, elane emoj komelim, maron kebaak ro uwaan baamle eo an, maron kojerbal talebon, wor jonan awa ko ejab aikuj etetal, im ito tak ibben jodikdik ak rutto ro jet.

---

#### *Kakien ko an Hawaii Emoj Kokkaal 587A Kakien eo nan Kejarok Ajiri*

*587A-42 Aikuj ko ikijen jelalokjen, takto, koman nii im ikkure im kamono ko. Ilo raan eo kein kajuon renaj likuti, baamle eo an baamle eo ej jiban kejbarok ajiri eo enaj wor aer maron, nan ajiri eo emōj likut iomwin kejbarok e aer:*

*(1) Nan lelok komelim nan aikuj im makutkut ko ekka ikijen jelalokjen im ikkure im kamono.*

*Kakien in Madmod ko an Hawaii Taitol 17-1625 Lelok Laijen nan Imōn Jokwe ko an Baamle ko rej Lelok Jibañ in Kejbarok Ajiri im Kakien in Madmod ko an Hawaii 17-1627 Lelok Laijen nan Jikin ko rej Kejbarok Ajiri*

*Kakien in Madmod ko an Hawaii 17-1625-36 ro rej uwaan imon Jokwe eo an Baamle eo ej lelok Jiban in Kejbarok.* (a) Rej aikuj lale juon ajiri in foster einwōt juon eo ej uwaan baamle eo.

*Kakien in Madmod ko an Hawaii 17-1625-41 Makutkut in Ikkure im Kamono im Ibben ro jet.* (a) Juon burokraam eo emmon joñan an ekkarere kobban ekoba ien kakkije nan jonan yio eo an ajiri eo, awa in mona, im ien ikkure im kamono rej aikuj lelok nan juon ajiri in foster. (b) Baamle eo ej lelok jiban ej aikuj karejar ibben obj eo ak ibben armij eo an eddo iomwin kakien lale ajiri eo ilo jikin ko rej make likut ajiri eo, nan rojan bwe ajiri eo en bok kwonaan ilo makutkut ko ibben ro jet im ikkure ko ilo jukjukinbed eo.

*Kakien in Madmod ko an Hawaii 17-1625-44 Kabun im Mani.* Aikuj wor kile im kautiej nan tomak in kabun im manit eo an juon ajiri. Aikuj lelok ien nan an ajiri eo etal ñan imōn jar, temple, jikuul in jabot, im makutkut ko jet an kabun im manit an armij eo an eddo iomwin kakien lale ajiri eo, ak ilo ien rejako, kelet eo an ajiri eo.

*Kakien in Madmod ko an Hawaii 17-1627-33 Ien Kobalok in mōnōnō ibben ro jet im ien kakkije.* (a) Burokraam eo enaj lelok ien kobalok ibben ro jet ekkar nan jonan yio im kolmenlokjen eo an ajiri eo. (b) Aikuj wōr rōjan ñan an lolak armij ro aer eddo in lale iomwin kakien, armij ro nukkun, ak mottan nan ien lolak ko elane ien lolak ko remmon nan ajiri eo. (c) Ien lolak kein rejab aikuj jerbal einwot kein lelok katak kin bōd ak nebar.

## **Kajitok 2: Juon ajiri e/jodikdik emaron ke etal im lokor im/ak jikeet boot, ao, turon (makūtkūt ko an lojet/dān)?**

**Uwaak: Aet.** Armij eo ej Lelok Jiban in Kejbarok ak rijerbal in Jikin eo ej Kejbaroke Ajiri eo renaj aikuj jela jonan iminene im maron eo an ajiri/jodikdik eo, ilo an kommane makutkut eo mokta jen aer maron lelok komelim. Jonan aer lale enaj ekkar nan jonan yio eo an ajiri/jodikdik eo im an ajiri/jodikdik eo maron ao.

Ilo Hawaii, makutkut ko an lojet/dān relukkun ekka an baamle kommani. Makutkut kein roktak ekkar nan jonan kejbarok im uwota, Armij ro rej Lelok Jiban in Kejbarok im rijerbal ro ilo Jikin Kejbarok Ajiri renaj aikuj jela im melele uwota eo emaron walok im maron im iminene eo an ajiri eo ilo jejetin jikin eo nan an bok kwonaan ilo makutkut ko elabok jonan uwota mokta jen aer maron lelok komelim eo aer.

## **Kajitok 3: Kajojo armij ro rej bok kwonaer ilo makutkut ko an jukjuginbed, manit, im ikkure ko alikin jikuul ibben ajiri/jodikdik eo rej ke aikuj kommane juon etale melele ko aer maanlok mokta jen an ajiri/jodikdik eo bok kwonaan ilo makutkut eo?**

**Uwaak: Jab.** Etale ko nan kajojo armij ejab juon mennin aikuj nan an ajiri /jodikdik eo bok kwonaan ilo makutkut ko an jukjuginbed, manit im makutkut ko alikin jikuul. Armij eo/ro ewor aer laijen in Lelok Jiban in Kejbarok wot, im emoj likut ajiri/jodikdik eo ie im aoleb rutto ro uwaan imon jokwe eo im rej jokwe ibben armij eo/ro rej lelok jiban in kejbarok renaj aikuj kotobrak mennin aikuj ko ikijen laijen einwot anoke dabin beir, kwalok ke ejellok aer bōd ilo Etale in Melele ko Maanlok elane rar Rubrub Kakien ko Relab ilo State eo an Hawaii, im Kwalok ke Ejellok aer Bōd kin Kōjorraan im Kakkure Ajiri (CA/N). Mennin aikuj ko ikijen melele ko maanlok kin rubrub kakien elab im etale ko ilo kakien in laijen im Kakien eo Emoj Kokkaal an Hawaii.

---

*Lale Kakien in Madmod ko an Hawaii (HAR) 17-1625 Laijen nan Imon Jokwe ko an Baamle ko rej lelok jiban in kejbarok nan Ajiri §17-1625-17 ej aikuj wor kapeel im tobrak ko An Kajojo Armij.*

Kakien ko Emoj Kokkaal an Hawaii (HRS) §346-17 doulul ko rej likut ajiri ilo jikin kejbarok ko, imon jokwe ko ibben baamle ko rej lelok jiban in kejbarok; elon aer maron, etale kin, im jonan ko nan.

(j) Obj eo ak eo jikin eo emoj jitone ej aikuj kajitok:

- (1) Juon rekoot kin melele in rubrub kakien ko relab ilo jikin melele kin bōd ko relab ilo Hawaii im aoleb rikomadmod, rijerbal, im rijerbal kaal an jikin ko rej lale ajiri, doulul ko rej likut ajiri, im imon jokwe ko an baamle ko rej lelok jiban in kejbarok, ekoba aoleb rutto ro rej jokwe ilo mweo imon baamle eo ej lelok jiban in kejbarok, rej aikuj laijen ekkar nan jekjon 846-2.7; im
- (2) Etale jikin melele kin kojorraan im kakkure ajiri, lale aoleb rikomadmod, rijerbal, im rijerbal kaal ilo jikin ko rej lale ajiri, doulul ko rej likut ajiri, im rutto ro rej jokwe ilo imon jokwe eo an baamle eo ej lelok jiban in kejbarok rej aikuj laijen ekkar nan laajrak ko an obj eo.

#### **Kajitok 4: Ewor ke jaan jen Obij eo nan kollaiki wonnen jet makutkut ko alikin jikuul?**

**Waanjonok: ikkure football, kilaaj in eb, im kumi in kanini, im ikkure ko jet ilo jukjukinbed.**

**Uwaak: Aet.** Ro rej Lelok Jiban in Kejbarok remaron kajitok an rijerbal in social work eo an ajiri/jodikdik eo jiban kollaiki wonnen makutkut ko alikin jikuul. Rijerbal eo enaj kabok jaan ilo kein jermal eo an obij eo im bareinwot jen \*Jaan ko Relablok im \*jaan ko an Ho'ola Na Mana'o (Ro Mottan Jikin eo ej Lale Jimwe nan Ajiri). \* *ewor jonan jaan ko rej lelok kajojo yio*

#### **Kajitok 5: Ta eddo eo an Juon eo ej Lelok Jiban in Kejbarok im rijerbal ro an Jikin eo ej Lale Ajiri (CCI) nan komelim an juon ajiiir/jodikdik bok kwonaan ilo makutkut eo ekkar nan jonan yio eo an?**

**Uwaak:** Juon Armij eo ej Lelok Jiban in Kejbarok im rijerbal ro ilo jikin kejbarok ajiri **ejab aer eddo nan uwota** eo ear walok nan juon ajiri/jodikdik eo enaj bok kwonaan ilo juon makutkut emoj komelim jen armij eo ej lelok jiban in kejbarok ak rijerbal in CCI eo ilo jikin eo **im emoj loe ke rikejbarok eo ak rijerbal eo ilo jikin eo ear madmod ekkar nan jonan eo emmon im niknik ikijen nejnej**. Im bareinwot, rikejbarok eo im rijerbal eo ilo jikin eo ej aikuj jiban an wor iminene nan ajiri/jodikdik eo nan jonan eo elabtata im aikuj komelim an ajiri/jodikdik eo bok kwonaan ilo makutkut ko ekkar nan jonan yio ko aer ilo imon jokwe eo, ilo jikuul, im ilo jukjukinbed eo. (*Kakkien eo ej Kejbarok an Ejellok Wia Kake Armij kin Mantin Loñ im Kakajur Baamle ko (P.L. 113-183/H.R. Jekjon 4980 111 Jiban an wor Iminenen nan Ajiri ro ilo Kejbarok eo an Foster).*)

Kakien ko emoj Kokkaal an Hawaii (HRS) §346-17 Doulul ko rej likut ajiri ilo jikin kejbarok ko, imon jokwe ko ibben baamle ko rej lelok jiban in kejbarok, elon aer maron, etale kin, im jonan ko nan.

**“Tobrak in Bed ilo Kejbarok”**- Einwot komelele ilo HRS 346-17 Jabdewot armij eo ej lelok jiban in kejbarok ak jikin eo ej lale ajiri enaj lelok juon beba in kamool komelim ekkar nan jekjon in eban aikuj bok eddo ilo juon madmodin kakien nan bok wonnen ko renaj walok jen jorraan, mij ak jako eo an juon armij ak mweiuk im ej jemlok ilo an komelim ajiri eo iomwin rikejbarok ak imon foster eo nan bok kwonaan ilo juon makutkut alikin jikuul, kolablok kapeel, manit, ak koba ibben ro jet; elane komelim eo ej ekkar nan jonan eo emmon im niknik nan nejnej einwot komelele ilo taitol 42 Kakien eo an Amedka jekjon 675 (10) (A).

#### **Kajitok 6: Rej ke aikuj loor konaan ko an molin jinen ak jemen elane rejab erra kin juon makutkut nan ajiri/jodikdik eo nejjeir?**

**Uwaak:** Nan er lomnak **kin konaan eo an molin jinen ak jemen ajiri eo** im nan an itok abnono eo nan Jikin Ekajet eo an Baamle, GAL eo, loar eo an jinen im jemen, nan lomnak kin rojan eo amim ke ajiri/jodikdik eo enaj bok kwonaan ilo juon makutkut eo jinen ak jemen ejab erra kake. *Aikuj madmod melele eo mokta jen FCT. Ewor an jinen im jemen maron ilo ien an ajiri eo bed ilo FC im elane rejab erra, ewor am eddo bwe en wor ien ronjak mokta jen FCT eo.*

Obij eo im ro rej Lelok Jiban in Kejbarok rej aikuj lomnak kin melele ko an jinen im jemen ajiri/jodikdik eo kin kain makutkut ko rekonaan bwe ajiri/jodikdik eo nejeir en bok kwonaan ien, im aoleb ien emaron, kobaiki er ilo komman ekelele.

Im bar, makutkut in iminenene ko rejab jolok bebe ko an keij ak mennin aikuj ko jet emoj an jikin ekajet kakien. Waanjonok, elane ien kakkije baamle eo ej Lelok Jiban in Kejbarok enaj komman an ajiri/jodikdik eo jab bed ilo ien lolak eo ibben jinen im jemen im emoj karoke, obij eo im armij eo ej lelok jiban in kejbarok rej aikuj jermal ibben molin jinen ak jemen nan bar juon ien lolak.

### **Uwaak 7: Emelim ke an molin jinen im jemen etal nan makutkut ko an ajiri/jodikdik eo nejeir ilo jikuul, ikkure keem ko, manit im kabun?**

**Uwaak: Aet.** Elab rojan an molin jinen ak jemen bok kwonaan ilo mour eo an ajiri/jodikdik eo nejeir, botab Armij ro rej Lelok Jiban in Kejbarok rej aikuj mokta bok melele ibben rijerbal in CWS eo an ajiri/jodikdik eo im/ak GAL mokta jen aer komelim jabdewot waween aer kebaak doon.

*Kakien in Madmod ko an Hawaii 17-1625-47 Kejbarok Juon Baamle* (a) Jermal eo kein kajuon an baamle ko rej lelok jiban in kejbarok enaj nan loloorjak an ajiri eo ekbaak ro jein im jatin, molin jinen im jemen, ro nukkun, im armij ro jet nukkun. (b) Ijellokun ne emoj an jikin ekajet eo an baamle kamo aer kebaak doon, baamle ko rej lelok jiban in kejbarok rej aikuj rojan an ajiri in foster kejbarok aer ebaake baamle ko aer.

*Kakien in Madmod ko an Hawaii 17-1627-33 len kobalok in mōnōnō ibben ro jet im ien kakkije*. (a) Burokraam eo enaj lelok ien kobalok ibben ro jet ekkar nan jonan yio im kolmenlokjen eo an ajiri eo. (b) Aikuj wōr rōjan ñan an lolak armij ro aer eddo in lale iomwin kakien, armij ro nukkun, ak mottan nan ien lolak ko elane ien lolak ko remmon nan ajiri eo. (c) Ien lolok kein rejab aikuj jermal einwot kein lelok katak kin bōd ak nebar.

### **Uwaak 8: Ewor ke an ajiri/jodikdik eo emoj likut er ilo Jikin Kejbarok Ajiri ro maron in bok kwonaer ilo jukjuginbed, makutkut ko alikin jikuul, im makutkut ko rej kobalok ibben ro jet einwot ajiri/jodikdik ro emoj likut er ilo imon jokwe ko an baamle ko rej lelok jiban in kejbarok?**

**Uwaak: Aet,** jerba eo an rijerbal eo emoj kalikar jen Jikin eo ej Kejbarok Ajiri (CCI) ejellok oktak jen jermal eo an armij eo ej Lelok Jiban in kejbarok ilo ien ej itok nan loloorjak ke ajiri ro rej lale er rej lelok iminene ilo aer lelok ien nan aer kobalok ilo makutkut ko rekkar nan jonan yio ko aer ilo jukjuginbed im alikin ien jikuul.

Kajojo Jikin Kejbarok Ajiri ej laijen jen Obij eo aikuj kalikar juon armij eo ej “rikejbarok” eo ewor an eddo in kommane lomnak ko nan kajojo ajiri eo ej bed iomwin kejbarok eo aer. Aikuj kalikar juon armij eo ej rikejbarok, ejab juon kamiti ak obij.

*Kakien in Madmod ko an Hawaii 17-1627-33 len kobalok in mōnōnō ibben ro jet im ien kakkije*. (a) Burokraam eo enaj lelok ien kobalok ibben ro jet ekkar nan jonan yio im kolmenlokjen eo an ajiri eo. (d) Aikuj ko ikijen ien kakkije ko an ajiri eo aikuj tobrak jen juon burokraam eo ej: (1) Emaron oktak, wor kapeel, im ekkar nan jonan jelalokjen eo an ajiri eo; (2) Komelim an ajiri eo make kelet makutkut in ikkure ko ekonaan kommani; (3) Komelim an ajiri eo, ilo ien eo emaron, lukkun bok kwonaan ilo kumi ko rekkar ilo jukjuginbed; im (4) Kile aikuj eo bwe ajiri eo en make ian jet ien.

## **Uwaak 9: Ajiri/jodikdik ro rej bed ilo imon jokwe ko rej lelok jiban in kejbarok im Jikin Kejbarok Ajiri remaron ke etal in jar im kobalok ilo makutkut ko an manit rej kelet?**

**Uwaak: Aet.** Ajiri/jodikdik ro rej bed ilo kejbarok eo an foster emelim aer etal in jar im bok kwonaer ilo makutkut ko an manit raurok nan er im iminene ko an makutkut kein ilo an wor ak ejellok rutto ej lale er ilo an wor komelim jen armij eo ej jiban in lelok kejbarok. Ro rej Lelok Jiban in Kejbarok renaj etale jonan yio im jelalokjen eo an ajiri/jodikdik eo ej bed iomwin kejbarok eo an foster nan komelim an ejellok rutto ej etal ibben lok nan imon jar eo im makutkut ko an manit.

*Kakien in Madmod ko an Hawaii Taitol 17-1625 Lelok Laijen nan Imon Jokwe ko an Baamle ko rej Lelok Jiban in Kejbarok Ajiri im Kakien in Madmod ko an Hawaii 17-1627 Lelok Laijen nan Jikin ko rej Kejbarok Ajiri*

*Kakien in Madmod ko an Hawaii (HAR) 17-1625-44 Kabun im Mani. Aikuj wor kile im kautiej nan tomak in kabun im manit eo an juon ajiri. Aikuj lelok ien nan an ajiri eo etal ñan imōn jar, temple, jikuul in jabot, im makutkut ko jet an kabun im manit an armij eo an eddo iomwin kakien lale ajiri eo, ak ilo ien rejako, kelet eo an ajiri eo.*

*Kakien in Madmod ko an Hawaii 17-1627-32 Kabun im manit. (a) Aikuj wor an jikin eo kojella ilo jeje ikijen makutkut ko an kabun iloan jikin eo. (b) Ej an jikin eo eddo in lelok ien nan an ajiri ro bed ilo katak ko an kabub im iminene ilo aer jab ioon boktak kin konaan ko aer kin maron eo nan lale tomak in kabun ko an ajiri eo. (c) Jikin eo aikuj kile, rojan, im jiban tomak in kabun, manit, im kajin eo an juon ajiri.*

## **Kajitok 10: Ajiri/jodikdik ro rej bed iomwin kejbarok eo an foster emelim ke aer etal ak etal in kiki ibben ajiri ro mottaer ak nukkie?**

**Uwaak: Aet.** Ajiri/jodikdik ro rej bed iomwin kejbarok eo an foster remaron etal in kiki ibben ro mottaer ak nukkie lok nan ruo raan ilo an armij eo ej Lelok Jiban in kejbarok komelim. Ro rej Lelok Jiban in kejbarok rej aikuj kejbarok jonan ko emmon im niknik kin nejnej nan lale elane rej lelok komelim ko nan an ajiri ro etal im kiki ibben ro mottaer im nukkie.

\*Juon eo ej Lelok Jiban in Kejbarok eban komelim an etal in kiki elane ewor juon kakien jen jikin ekajet ak bebe in jerbak (lale Jekjon 1 ioon 5 kakien eo an jikin ekajet ejejjet kutien) im ej komman bwe en ejellok ien ej etal in kiki ilo jikin ko jet ak elane rijerbak in CWS eo an ajiri eo emoj an komelele ke ejellok ien ajiri eo emaron etal in kiki ibben jejjetin armij eo/ro. Jet melele in kajinet ko rej letok jiban nan aer etal in kiki ibben ro jet:

Ro rej Lelok Jiban in Kejbarok rej aikuj kenono ibben jinen im jemen ia eo ajiri/jodikdik eo emaron etal in kiki nan aer jab ella ioon aer bok aoleb melele jen ajiri eo. Woñ eo enaj bed ilo mweo? Kamool awa im jikin ektak im ekto. Ta bebe ko an kiin ejota? Kadek nan menninmour ak mona, wujo ko ej aikuj boke. Elane ewor oktak ilo bebe, lolorjak aer jela won eo rej kurlak bwe kwon maron lelok komelim ilo kenono. Kommane juon bebe elane ajiri/jodikdik eo eban konaan bed. Bōk nomba in talebon eo an jinen im jemen im lelok nomba eo am. Lelok nomba in talebon eo AM nan ajiri/jodikdik eo.

*Kakien in Madmod eo an Hawaii (HAR) 17-1625-46 Ajiri eo jako jen imon jokwe eo an armij eo ej jiban in lelok kejbarok. Kakien in ej jiban an wor iminene nan ajiri im jodikdik eo ilo kejbarok eo an foster ilo an kalikar, "Ilo ien an juon ajiri jako iomwin juon boñ ak ien eo aitoklok jen baamle eo ej lelok jiban in kejbarok, IJELLOKUN IEN*

KO EJ ETAL IN KIKI IBBEN RO MOTTAN AK NUKKUN LOK NAN RUO RAAN ILO AN BAAMLE EO EJ LELOK JIBAN IN KEJBAROK KOMELIM.”

**Kajitok 11: Nan an juon ajiri/jodikdik iomwin kejbarok eo an foster etal in kiki ilo imon juon mottan, ewor ke rutto rej jokwe ak bed ilo mweo imon armij eo mottan nan aer kommane juon Etale in lale melele ko maanlok kin rubrub kakien ilo State eo an Hawaii im Kojorraan im Kajool Ajiri (CA/N)?**

**Uwaak: Jab.** Jinen im jemen ajiri eo mottan rejab watoke rej armij ro rej lelok jiban in kejbarok im rejab aikuj kommane juon etale kin melele ko aer maanlok. Ro rej Lelok Jiban in Kejbarok wōt im jinen im jemen ilo kokkaajiriri, rutto ro uwaan mweo, im rijerbal ro ilo Jikin Kejbarok Ajiri rej aikuj kommane etale kin melele ko aer maanlok.

*Kakien in Madmod ko an Hawaii (HAR) 17-1625 Laijen nan Imon Jokwe ko an Baamle ko rej lelok Jiban in Kejbarok nan Ajiri*

§17-1625-17 Ej aikuj wor tobrak im kapeel ko an kajojo armij.

- (b) Obij eo ej loe ablikajon eo ej aikuj kommane etale eo kin melele ko maanlok, etale ne ewor melele kin kojorraan im kajool ajiri (CA/N), melele ko maanlok, im jabdewot bar etale ko renaj loe aikuj, einwot etale jikin jermal ko, nan ro rej kateruru, rijerbal ro, im ro uwaan imon jokwe eo.

Kakien in Madmod ko an Hawaii (HRS) §346-17 Doulul ko rej likut ajiri ilo jikin kejbarok ko, imon jokwe ko ibben baamle ko rej lelok jiban in kejbarok, elon aer maron, etale kin, im jonan ko nan.

(j) Obij eo ak armij eo renaj jiton ej aikuj kajitok:

- (1) Juon rekoot kin melele in rubrub kakien ko relab ilo jikin melele kin bōd ko relab ilo Hawaii im aoleb rikomadmod, rijerbal, im rijerbal kaal an jikin ko rej lale ajiri, doulul ko rej likut ajiri, im imon jokwe ko an baamle ko rej lelok jiban in kejbarok, ekoba aoleb rutto ro rej jokwe ilo mweo imon baamle eo ej lelok jiban in kejbarok, rej aikuj laijen ekkar nan jekjon 846-2.7; im
- (2) Etale jikin melele kin kojorraan im kakkure ajiri, lale aoleb rikomadmod, rijerbal, im rijerbal kaal ilo jikin ko rej lale ajiri, doulul ko rej likut ajiri, im rutto ro rej jokwe ilo imon jokwe eo an baamle eo ej lelok jiban in kejbarok rej aikuj laijen ekkar nan laajrak ko an obij eo.

## ITO-TAK

**Kajitok 12: Juon ajiri/jodikdik emaron ke ito tak ibben armij ro rej Lelok Jiban in kejbarok nan aelon ko ilon state in ak inabojin state in?**

**Uwaak: Aet,** ilo an wor komelim jen CWS, Jikin Ekajet eo an Baamle, GAL, im jinen im jemen. Ro rej Lelok Jiban in kejbarok emoj rojan aer bok ajiri/jodikdik eo ibbeir ilo ien aer etal im kakkije.

Mennin ej aikuj **bebe ko maanlok** ibben Armij eo ej Lelok Jiban in Kejbarok, rijerbal in CWS im Jikin Ekajet eo an Baamle bwe emaron loñ bunten ko rej aikuj nan kommani nan an ajiri/jodikdik eo maron ito tak (lale madmod eo ilal). Kojella maanlok nan jinen im jemen kin bebe in ito tak ko im komelele waween an iminene eo naj lelok jiban nan ajiri/jodikdik enaj jiban jinen im jemen ilo aer jab aliklik in lewaj komelim eo aer im jiban ilo an ajiri eo ito tak.

Ijin lal ej Laajrak ko jen obij eo ej bok eddon ainemmon im ejmour eo an ajiri ikijen ajiri/jodikdik ro rej ito tak ibben armij eo ej lelok jiban in kejbaroke.



Kejbarok in Foster an Juon Make Bebe: nan ajiri/jodikdik ro rej ito tak nan jikin ko inabojin state eo ibben armij eo ej lelok jiban in kejbarok, rijerbal eo an ajiri eo aikuj kommane jonan an maron nan kojellaik jinen im jemen im boke komelim eo aer. Elane jinen im jemen rejab lelok komelim, ajiri/jodikdik eo eban ito tak. Ne jinen im jemen rej ekka ke ajiri eo emaron ito tak, rijerbal in CWS enaj boke komelim eo ilo jeje emoj an jain jen ibben jinen im jemen.

Kejbarok in Foster (keij ilo jikin ekajet): Nan an juon ajiri/jodikdik ito tak nan jikin ko inabojin aelon eo ak state eo ibben armij eo ej lelok jiban in kejbarok, rijerbal eo an ajiri eo aikuj kommane jonan an maron nan kojellaik jinen im jemen im boke komelim eo aer. Elane komelim eo an jinen im jemen im CASA/GAL rej erra ibben doon, Obij eo enaj kojella jikin ekajet eo ke ejellok jumae ko jen jinen im jemen im CASA/GAL im lelok nan jikin ekajet eo kin raan in ito tak im jikin eo, wunin tureep eo im ia eo ajiri/jodikdik eo im armij ro rej lelok jiban in kejbarok renaj bed ia.

Ne ewor juon jumar jen jinen im jemen ak CASA/GAL eo an ajiri/jodikdik eo ej ito tak ibben armij eo ej lelok jiban in kejbarok, Obij eo aikuj kajitok ibben Ra eo an Attorney General (DAG) nan baele juon madmod. Jikin ekajet eo an Baamle enaj ronjake jekjek eo im lelok juon jemlok kin elane ajiri/jodikdik eo emaron ito tak.

\*\*Nan ito tak ko an idin ien, kaju kebaak rijerbal in social work eo an ajiri eo nejum.

\*\*\*Ito tak nan lal ko jet ej aikuj **lab an lablok** bebe ko moktalok.

Elane kolla eo aikuj nan kolla wonnen an ajiri/jodikdik eo ekkake nan aelon eo ilikin im/ak nan mainland, jouj im kenono ibben rijerbal eo an CWS bwe DHS emaron jiban kin wonnen an ajiri/jodikdik eo ekkake nan an etal in kakkije ibben armij eo ej lelok jiban in kejbarok.

## LBGTQ

### ***Kajitok 13:* Jonan niknik in neji eo ej ke jerbal nan ajiri/jodikdik ro rej kakkol lesbian, gay, bisexual, transgender im jañin jela, (LBGTQ)?**

**Uwaak: Aet.** Jonan neji ko ekka im niknik rej jerbal nan aoleb ajiri/jodikdik ro rej bed iomwin kejbarok eo an foster im ejellok oktak nan ajiri/jodikdik ro rej kalikar rej LBGTQ.

Lolorjak ke Armij eo ej Lelok Jiban in Kejbarok im/ak Jikin eo ej Kejbarok Ajiri ej kaurwanene aoleb oktak ko an armij, ekoba kumi in armij ro rej kobalok ibbeir, lal ko aer, utamwe, kabun, kora ak emmaan, im waween aer kelet ne rej kora ak emmaan ak bar juon nan lolorjak ke aoleb ajiri/jodikdik ko ilo imon jokwe ko rej lelok jiban in kejbarok im/ak Jikin Kejbarok Ajiri ro rej enjaak an wor kejbarok im remaron ruttolok nan rutto ro rejab kalijeklok nan jabdewot oktak ko an armij.

### ***Kajitok 14:* Lelok mottan iminene nan ajiri/jodikdik in LBGTQ ej ke jiban ajiri/jodikdik eo “loe” ke rejab lukkun LBGTQ?**

**Uwaak: Jab.** Aer kalikar rej LGBTQ eban oktak. Ro ewor aer kapeel kin takto im waween lomnak rej erra ke kajeon in janiji waween an juon armij kwalok konaan eo an ak kalikar ke ej kora ak emmaan ejab jermal im ekka an komman uwota.

Aurok bwe jelalokjen im ainemmon im ejmour eo an juon ajiri/jodikdik bwe ro rej lelok jiban in kejbarok im rijerbal ro an Jikin Kejbarok Ajiri ren jiban/komelim ajiri/jodikdik in LGBTQ nan kwalok waween aer kalikar er make im kwalok ke ejellok kalijeklok nan er im melele kin waween aer kelet ne rej kora ak emmaan.

Ro rej Lelok Jiban in Kejbarok im rijerbal ro an Jikin Kejbarok Ajiri rej aikuj jermal ibben rijerbal eo an CWS in lale jermal in jiban ko, einwot kumi in armij ro rej dettan wot im rej lelok jiban ak jiban ko jet ilo jukjukinbed renaj jiban jolok lomnak ko rej kojenolok im buromoj nan juon ajiri/jodikdik in LGBTQ.

## JIBAN KO AN JODIKDIK RO REJ BED IOMWIN KEJBAROK

### **Kajitok 15: Ajiri/jodikdik ro rej bed iomwin kejbarok eo an foster rej ke melim aer bok kwonaer ilo Facebook ak social media ko jet rekka nan jonan yio ko aer?**

**Uwaak: Aet.** Ajri eo/jodikdik remaron bok kwonaer ilo social media ekoba Facebook (13+) kin komelim eo an Armij eo ej Lelok Jiban in Kejbarok im ekka nan jonan yio eo an ajiri eo, an Rikejbarok eo Lale, mennin ekoba jodikdik ro emoj likut er ilo Jikin ko rej Kejbarok Ajiri.

Jet kain social media ko rej Facebook im kein leto letak enaan einwot Kix, Instagram, Twitter, Snapchat, kein leto letak bideo ibben doon einwot YouTube im kein leto letak bija ibben doon einwot Flickr.

Social media emaron jermal nan bwebwenato ibben ro jet im leto letak melele im jiban am kommani men ko, einwot, lelok juon enaan nan elon armij ilo juon wot ien, ak kabok jermal, botab kwomaron kar jab lomnak kin jet jorraaan ko emaron lewaj.

Ta eo Ro rej Lelok Jiban in Kejbarok im rijerbal ro an Jikin Kejbarok Ajiri remaron komman nan jibane juon ajiri/jodikdik eo ej kojerbal elon waween ko ilo social media? Lelok katak nan er kin jet men ko remaron walok ilo aer kwalok melele mejatoto.

Kenono ibben ajiri/jodikdik eo ke rej aikuj lomnak mokta jen aer ilik melele, ekoba bija ak bideo ko online, ak ilo aer jilkinlok nan ro mottaer. Komelele nan jodikdik eo ke aurok an jab walok melele ko aer make. Emaron wor men ko rejab emmon renaj walok nan ajiri/jodikdik eo kio im bareinwot ilo jeklaj bwe ilo ien an bed mejatoto emaron lon jikin ko kwojab baj lomnak kaki. Armij ro mottaer remaron anoke ta eo ajiri/jodikdik eo ear likut innem jilkinlok nan armij ro rejab jela kajer im remaron bar jilkinlok nan bar ro jet. Melele in, bideo im bija ko ajiri/jodikdik eo ej jilkinlok nan ro mottaer emaron bar etal nan armij ro jet ilo an ajiri/jodikdik eo jab jela ak lelok komelim.

*Jouj im lala bepa ko emoj lewaj: “Social Media: Melele in Jiban nan Jodikdik ro rej Bed Iomwin Kejbarok eo an Foster” jen Jikin Melele eo an Obij eo ej Bok Eddon Ainemmon im Ejmour eo an Ajiri im “Ro rej Lelok Jiban in Kejbarok im Rijerbal ro ilo jikin ko rej Kejbarok Ajiri remaron Jiban Kejbarok Ajiri/Jodikdik: Lomnak kin Kojerbal im Kejbarok Website ko an Doulul ko rej Kakoba Armij Ibben Doon” Koonjel eo ej Kejbarok Jorraan an Aelon eo (National Crime Prevention Council).*

## **Kajitok 16: Ajiri/jodikdik ro rej bed iomwin kejbarok eo an foster emelim ke an wor aer talebon cell?**

**Uwaak: Aet.** Ajiri/jodikdik eo ej bed iomwin kejbarok eo an foster emaron wor an talebon cell. Lomnak kin waween rot eo aikuj etal kolla nan boke im kejbarok an wor an talebon cell mokta jen kommane juon lomnak im injuran in takto kin talebon eo elab rojan. Einwot ibben jabdewot baamle, lomnak kin elane ajiri/jodikdik eo boke juon talebon cell ekoba an jela bok eddo, an wor jaan nan wai talebon im wonnen talebon eo aoleb allon. Jet armij ro redik remaron waiki aer make talebon cell. Jet molin jinen im jemen remaron mōnōnō in wia talebon cell ñan ajiri/jodikdik eo nejeir ej bed ilo kejbarok eo an foster. Ejellok mennin kojelok ñan an Juon eo ej Lelok Jiban in Kejbarok kojerbal jaan ko an make nan waiki juon talebon cell.

Elon waween ko juon ajiri/jodikdik emaron boke ak waiki juon talebon cell im ekoba: ajiri/jodikdik eo emaron wor an talebon cell ej mottan juon koontoreak an molin baamle eo an, Juon eo ej Lelok Jiban in Kejbarok emoj an erra in kobaiki ajiri/jodikdik eo nan bebe in talebon cell eo an baamle eo aer make, ajiri/jodikdik eo ewor an bebe in talebon ededelok kolla ak ej kolla ilo an kojerbale, ak ajiri/jodikdik eo ewor an make koontoreak in talebon.

---

Ekkar ñan Jikin Katak eo an Pew ikijen Burojeek eo ikijen Internet & Mour eo an RiAmedka, “Jodikdik im Kein jermal kapeel 2013” kōjermal talebon Smartphone ibben jodikdik in Amedka emoj an lab an lablok im aer maron delone internet ej juon men eo aoleb rej kommane. Juon jen emen jodikdik rej kojerbal internet kin “cell-wot”, im rej ba *elab aer etal nan online ilo aer kojerbal talebon ko nejeir* im jab kojerbal kombutor desktop ak laptop. Eñin ej jet melele kaal ko emoj loi jen waanjonok eo an aelon eo kin 802 jodikdik ro jonan yio 12-17 im jineir im jemeir im ear kwalok melelein.

- 78% jodikdik ro kio ewor aer talebon cell, im enañin jimettan (47%) im eo ewor nejeir talebon smartphone ko. Melelein mennin ej 37% in aoleb jodikdik ro ewor aer talebon smartphone, jen 23% ilo kar 2011.
- Juon ilo emen jodikdik (23%) ewor nejin kombutor tablet, juon jonan eo einwot etale in rūtto ilo juon jikin.
- Ratimjuon jen jonoul (93%) jodikdik ro ewor nejeir kombutor ak maron delone juon ilo mweo mweir. Jilmjuon jen jonoul (71%) jodikdik ro remaron delone kombutor ilo moko mweir rej ba ke laptop ak desktop eo elab ien aer kojerbale im rej kojerbale ibben ro jet uwaan baamle ko aer.

Delone internet kin mobile ej waween eo elab an ekka ibben jodikdik in Amedka, im talebon cell ko emoj an labtata an aurok nan jet kumi ko:

- Enanin jilu jen emen (74%) jodikdik ro jonan yio 12-17 rej ba rej ewor ien aer delone internet kin talebon cell, tablet, im kein jermal kapeel mobile ko jet.
- Juon jen emen jodikdik rej “elab wot kojerbal cell” nan internet — elablok jen 15% in rutto ro rej kojerbal cell-wot. Ibben jodikdik ro ewor nejeir talebon smartphone, jimettan rej cell-wot.
- Leddik ro rerutto lok elabtata aer maron kojerbal cell nan internet; 34% in leddik ro jodikdik jonan yio 14-17 rej ba elab aer etal nan online kin talebon cell, jen 24% laddik jodikdik jonan yio 14-17. Emoj ad jela mennin kinke laddik im leddik jimor maron wor nejeir talebon smartphone.
- Ibben jodikdik leddik ro reruttolok im ewor nejeir talebon smartphone, 55% rej ba rej kojerbal internet elabtata jen talebon ko nejeir.

Melele ko Elab Loi ilo waanjonok eo: Aoleben 95% in jodikdik ro rej online, juon bojjaan emoj an nikip an jab oktak jen 2006. Ak, wun eo ilo an jodikdik kojerbal internet emoj an lab an oktak ilo ien eo — jen kein jerbal kapeel ko rejab emakutkut einwot desktop ko iloan imon jokwe nan aer maron kobalok ibben ro jet aoleb ien im emakutkut ibben kein jerbal kapeel ko nejeir iomwin juon raan. Elon waween ko, jodikdik ro rej tel kij ilo kakobaba in kein jerbal kapeel, im jekjekin aer kojerbal kein jerbal kapeel ekka an kwalok oktak ko ilo jeklaj ibben rutto. Jodikdik ro ej maron wor nejeir talebon cell einwot an wor nejeir kombutor desktop ak laptop. Im elablok an talebon kein lelok bwe jodikdik ro ren maron wot kajoe kein jerbal kapeel ko aer aoleb ien, maron delone internet kin talebon mobile — ilo jet keij ko, jiban er einwot jikin eo remaron ebok melele eo kein kajuon. An wor nejin jodikdik talebon smartphone emoj an lab an lonlok jen 2011; 37% in jodikdik in Amedka jonan yio 12-17 kio ewor nejeir smartphone, elablok jen 23% ilo 2011. Ebar lablok an wor nejeir tablet, ebaak nan juon ilo emen jodikdik rej ba ewor nejeir kein jerbal rot kein. Men kein koba ibben doon, elonlok waween ko nan an jodikdik emaron kobalok ilo juon raan — im boñ.

### **Kajitok 17: Ewi waween am jela ne ajiri/jodikdik eo ebojak nan an wor nejin talebon cell?**

**Uwaak:** Ilo ien am lomnak elane juon ajiri/jodikdik ebojak nan an wor nejin talebon cell, jonan **yio eo an eaurok einwot bar jonan kolmenlokjen eo an**; an maron loor kakein ko am (im an jikuul), im jela bok eddo. An juon ajiri/jodikdik jela kojerbal kein jerbal kapeel emaron jab jela im komman lomnak ko remmon ilo an kojerbal taelbon cell, im kwomaron aikuj ba, “Jab, ejab kio.”

*Eñin ej jet kajitok ko nan am lomnaki:*

Ajiri/jodikdik eo ej ke kwalok an jela bok eddo, einwot ba nan na ilo ien an kojella tok ke enaj rumij kinke ewor juon men eo ej kommane alikin jikuul?

Ajiri/jodikdik eo ekka ke an kajako mweiuk, einwot backpack ak folder in katak ko an?

Ajiri/jodikdik eo aikuj ke beddo kebaak kwe nan wun ko ikijen uwota?

An bidodo aer maron tobare ro mottan enaj ke lelok jiban nane ilo waween an kobalok ibben ro jet?

Kwoj ke lomnak ajiri/jodikdik eo enaj kojerbal talebon cell eo ilo an jela bok eddo-waanjonok, jab text ilo ien kilaaj ak kakkure ien ko an jet ilo an kojerbal talebon eo nejin? Remaron ke loor jonan jemlok ko kwoj lelok nan jonan minit ko remaronn kenono im app ko rej download?

Renaj ke kojerbal text, bija, im bideo ilo aer jela bok eddo im jab kajook ak kabōnōnō ro jet? (Jouj im lale juon kajitok im uwaak, waween an ro rej lelok jiban in kejbarok maron lelok katak nan ajiri/jodikdik eo kin waween an kojerbal social media).

### **Kajitok 18: Ajiri/jodikdik ro rej bed iomwin kejbarok eo an foster remaron ke ebok kolla?**

**Uwaak: Aet.** Aer ebok jaan ej katakin ajiri/jodikdik ro rej katakin armij kin aurok im waween kojerbal jaan, juon kapeel eo renaj aikuj ilo jeklaj.

*Kakien in Madmod ko an Hawaii 17-1625-42 Katak kin bōd im Melele in Kajinet. (f) Ajiri in foster eo rej aikuj lelok an kolla im/ak lelok maron kin totrak ko ej kommani einwot an baamle eo ej lelok jiban in kejbarok kommane ibben ajiri ro nejeir make.*

### **Kajitok 19: Ajiri/jodikdik ro rej jokwe ilo Jikin Kejbarok Ajiri emelim ke aer ebok kolla? Jikin eo ej ke lelok kolla kin jaan ko rejab bed ilo koontoreak eo im rej boke?**

**Uwaak: Aet.** Jikin Kejbarok Ajiri eo im ajiri/jodikdik ro rej jokwe remaron lelok ien ko nan an ajiri/jodikdik eo katak kin aurok im kojerbal jaan ilo aer lelok jidik kolla, kakien kin lelok bwe ren kolla, wia, im kakwon. Ne Jikin eo ej Kejbarok Ajiri ewor an madmod in lelok kolla nan ajiri jidik, jikin eo aikuj kobaiki madmod eo aer einwot juon waween eo nan kejbarok jaan ko an ajiri/jodikdik im juon beba in melele kin jaan ko rej dabij nan ajiri/jodikdik. Jikin Kejbarok Ajiri eo aikuj lolorjak ke kolla ko an ajiri/jodikdik rej kejbarok ilo juon jikin eo ejenolok jen akkoun in jaan ko an jikin eo.

### **Kajitok 20: Ajiri/jodikdik ro rej bed ilo kejbarok eo an foster emelim ke aer etal nan makutkut ko ilo an ejellok rutto ej lale er?**

**Uwaak: Aet.** Ro rej Lelok Jiban in kejbarok im rijerbal eo jen Jikin Kejbarok Ajiri eo emoj kalikar aikuj rojan an ajiri/jodikdik eo bok kwonaan ilo jukjukinbed, jikuul, im makutkut in kamonono im manit im ekkar nan jonan yio eo an im kolmenlokjen eo an.

Ro rej Lelok Jiban in kejbarok im rijerbal eo jen Jikin Kejbarok Ajiri rej aikuj kojerbal jonan nejnej ko reniknik nan lale ta makutkut eo ej aikuj nan wor rutto rej lale.

### **Kajitok 21: Jodikdik ro rej bed ilo kejbarok eo an foster remaron ke jera ak etal nan prom?**

**Uwaak: Aet.** Ro rej Lelok Jiban in kejbarok remaron jiban jodikdik eo melele kin jera ilo erre eo ilo aer jibane kile manit ko reimwe im emmon, lelok kapeel kin waween aer kejbarok ilo ien renaj aitwerok im illu, kile ilo ien eo ejab emmon jera eo, im jela waween kaboajak jera eo.

Jodikdik ro remaron lomnak prom ej juon ien eo rej jino rutto im prom eo an high school ekka an makutkut eo ewor karokin kein kajuon ilo mour ko an jodikdik. Etal nan prom emaron ien leimonono im inebata, emaron lelok juon ien nan jodikdik eo, Armij eo ej Lelok Jiban in Kejbarok, im ro mottan, nan koba ibben doon in kommane juon bebe nan makutkut im bok kwonaer in leto letak kin makutkut ko, manit, im ta ko renaj walok.

Jet Melele in Kajinet ko relablok nan an Ro rej Lelok Jiban in Kejbarok im rijerbal ro jen Jikin Kejbarok Armij kin jodikdik ro rej jera

Kwon ioone armij eo ej jera ibben. Kamool ialin aer ito tak (won eo ej kattor, im men ko jet). Kamool awa in ektak im ekto. Ta bebe ko an kiin ejota? Elane armij eo jeran ej kattor, kamool laijen in kattor eo an. Ne enaj wor oktak ilo bebe ko aer, lolorjak rejela ren kall mokta jen an bebe ko oktak. Kommane juon bebe ibben jodikdik eo elane enaj jino jakwon im konaan rool. Lelok nomba in talebon eo AM nan jodikdik eo. Bok nomba in talebon eo an armij eo jeran.

Ne ewor aikuj jaan nan jiban kolla wonnen prom, rijerbal in CWS eo enaj kabok jaan jen kein jerbal eo an Obij eo im bareinwot \*Jaan ko rej lelok lablok in kapeel im \*jaan ko an Ho'ola Na Mana'o (Ro mottan Jikin eo ej lale Jimwe nan Ajiri). \*ewor jonan jaan ko rej lelok kajojo yio

## MAKUTKUT KO NAN KEBOOJ ER NAN AER NAJ JUON RUTTO

### **Kajitok 22: Juon jodikdik emaron ke boke beba in komelim katak kattor ilo an bed iomwin kejbarok eo a foster?**

**Uwaak: Aet.** Komelim an jodikdik eo katak kattor im boke beba in komelim an katak kattor im tokelik laijen in kattor eo an ej mottan iminene ko an jodikdik.

### **Kajitok 23: Ro rej lelok jiban in kejbarok remaron ke jaini beba in komelim katak kattor an jodikdik eo?**

**Uwaak: Jab.** Ewor an Obij eo madmod emoj kojejjet kutien nan juon jodikdik eo ej bed ilo kejbarok eo an foster bwe en boke beba in komelim an katak kattor. Armij eo ej Lelok Jiban in Kejbarok ak rijerbal eo an CWS emaron jiban jodikdik eo kadedelok ablikjon eo, botab jain in etan armij eo ilo ablikajon eo ej armij eo obij eo enaj jitone. Jouj im bok melele ibben rijerbal eo an CWS ilo am jibane jodikdik eo boke beba in komelim an katak kattor.

*Kakien ko Emoj Kokkaal an Hawaii (HRS) 587A-15 (b) Elane juon obij eo emoj komelim ewor an eddo in lale iomwin foster ewor jerbal im maron ko laajrak (7) Lelok komelim nan ablikajon eo an ajiri eo nan beba in komelim katak kattor, kakien in laijen in kattor, ak laijen in kattor.*

*Kakien ko Emoj Kokkaal an Hawaii (HRS) 286-112(a)(3) ej kalikar ke, "Armij eo ej tel obij eo ej bok eddon jiban k an armij, ak armij eo emoj an ritel eo jitone, enaj jain im kamool ablikajon eo an jabdewot armij eo ej kateruru im ej bed iomwin kejbarok eo an foster." Child Welfare Services (CWS) Rikomadmod Jekjon ko (SAs) emoj aer jitone armij eo ritel eo ej jitone*

Elane jodikdik eo ejab maron in bok kwonaan ilo kilaaj in katak kattor ilo jikuul eo kin an bed ilo laajrakin etan armij ro rej kattar, innem Armij eo ej Lelok Jiban in Kejbarok emaron kajitok ibben rijerbal eo an CWS im GAL/CASA nan jiban kolla wonnen kilaaj in katak kattor im ejab ilo jikuul. Rijerbal ro an CWS enaj lale elane ewor jaan ilo jikin jerbal eo an obij eo mokta innem kabok ilo jaan ko ilo \*Enhancement Funds (Jaan ko relablok), \*Jaan ko Relablok, jaan ko an \*Ho'ola Na Mana'o (Ro Mottan Jikin Jimwe eo an Ajiri), im jaan ko jet emoj kolablok. \*ewor jonan jaan ko rej lalok kajojo yio, lablok in jaan ko remaron oktak ekkar nan aelon.

### **Kajitok 24: Ajri eo/jodikdik eo emaron ke uwe ilulokan juon tūrak?**

**Uwaak:** Ejab elane ajiri eo 12 an yio im diklok. HRS 291-14 ... 12 im diklok rejab melim aer uwe itulokan juon tūrak. Ejab melim iomwin kakien nan an ajiri ro 13 yio im ruttolok uwe itulokan juon tūrak.

### **Kajitok 25: Won eo ej kolla wonnen injuran in wa eo waan jodikdik eo?**

**Uwaak:** Obij eo ejab lelok, kolla, ak karool lok wonnen injuran in wa. Ne juon Armij eo ej Lelok Jiban in Kejbarok enaj komelim an juon jodikdik kattore wa eo waan innem rej aikuj loloorjak ke emoj kakobaiki er nan kakien in injuran eo.

*§346-17.3 Injuran in wa. Jinen im jemen ajiri eo ilo kejbarok eo an foster im emoj an boke laiijen in kattor eo aikuj kolla wonnen injuran in wa eo waan ajiri eo, ijellokun ne jikin ekajet eo enaj loe ke jinen im jemen rejab maron kollaiki, innem wonnen injuran eo an ajiri eo enaj kolla jen jekjon ko 431:10C-407 im 431:10C-410. [L 2010, c 135, pt jen §2].*

Ne emoj an jikin ekajet eo loe ke jinen im jemen rejab maron kolla wonnen injuran in wa eo innem injuran in wa eo enaj kolla jen obij eo an state ej bok eddon ainemmon im ejmour an ajiri. Mennin enaj aikuj bwe jodikdik eo an wor waan wa ej bed ilo etan.

Nan an juon jodikdik eo ejellok waan wa ej bed ilo eta, botab Armij eo ej Lelok Jiban in Kejbaroke enaj komelim an jodikdik eo kattore wa eo waer, armij eo ej lelok jiban in kejbarok enaj aikuj kakoba etan jodikdik eo nan kakien in injuran eo aer.

Nan an juon jodikdik kobalok etan nan kakien in injuran eo an rikejbarok emaron jab juon wun eo ej jemlok ilo an lablok wonnen eo an aoleb allon. Rekoot in kattor eo an juon armij (itaak ak rubrub kakien) im kain wa eo ej wun ko juon kombani in injuran emaron kolablok wonnen injuran eo an juon armij aoleb allon. Aoleb kombani in injuran emaron wor aer kakien ko oktak jeje ko aer innem ro rej lelok jiban in kejbarok rej aikuj lale komelele ko ilo kakien eo aer ilo ien aer kakoba juon jodikdik nan kakien in injuran in wa eo aer. Enaj an Armij eo ej Lelok Jiban in Kejbarok eddo nan kolla wonnen lablok in injuran eo aoleb allon.

## **Kajitok 26: Ajiri /jodikdik eo emaron ke uwe ilo wa eo juon bar jodikdik eo ewor an laiijen ej kattore?**

**Uwaak:** Aet. Remaron uwe ilo wa eo rutto ak jodikdik ro jet ewor aer laiijen rej kattore ilo an wor komelim jen armij eo ej lelok jiban in kejbaroke. Ro rej Lelok Jiban in Kejbarok rej aikuj kojerbal jonan nejnej eo emmon im niknik ilo aer lale elane rej lelok komelim eo aer. Rikattor wa ko rej aikuj wor aer kein jermal ko rejimwe iloan wa eo (einwot, ekkar nan kakien).

*Jouj im lale Kakien ko Emoj Kokkaal an Hawaii HRS 286-102.6 Kakien in laiijen nan armij ro rediklok jen 18 aer yio.*

Kakien ko Emoj Kokkaal an Hawaii 286-102.6 – Kakien in laiijen nan armij ro rediklok jen 18 aer yio

**286-102.6 Kakien in laiijen nan armij ro rediklok jen 18 aer yio.** (a) Juon armij emaron lelok kakien in laiijen nan kattore bajinjea ro ilo jabdewot jonan wa, baj ko emoj kalikar aer ektak jonoul lalem ak diklok armij, im turak im van ko ewor jonan eo elabtata kin jonoul lalem paun ak diklok elane armij eo ej:

(1) Ejab diklok jen jonoul jiljino an yio botab ediklok jen jonoul rualitok an yio;

(2) Ewor an beba in komelim an katak im ewor an beba in komelim ejab diklok jen jibkwi ruwalitok raan im ejellok madmod ej kattar emaron jemlok ilo aer jebaan ak boke beba in komelim in katak eo; im

(3) Smoj an kadedeklok aoleb mennin aikuij ko ilo jekjon ko 286-108 im 286-109.

(b) Kakien in laijen aikuj komelim kakien in laijen eo nan kattor kain wa ko emoj kalikar ilo jekjon eo mottan (a) ilo ial ko an State, ilo an:

(1) Kakien in laijen eo aikuj lelok kakien in laijen ilo an bed ibben armij eo ej kattor;

(2) Aoleb ro rej bed iloan wa eo rej aikuj konake kañur in kejbarok eo ak kein dabdeb ko nan ajiri einwot an aikuj ilo jekjon ko 291-11.5 im 291-11.6;

(3) Kakien in laijen aikuj jab ektak lablok jen juon armij eo ediklok jen jonoul ruwalitok an yio, ijellokun ne armij eo, ej kautiej kakien in laijen eo:

(A) Juon armij uwaan mweo; ak

(B) Juon ajiri in foster ak hanai ej uwaan mweo, ilo an jab etal im lale jen ibben juon rikattor eo ewor an laijen im ej kakien in laijen eo an jinen ak jemen ak rikejbarok eo; im

(4) Ijellokun an walok ilo jekjon eo mottan (c), jabdewot ien juon rikattor eo ewor an kakien in laijen ej kattor ikotaan awa ko 11:00 awa bon im 5:00 awa jibbon, rikattor eo ewor an laijen im ej jinen ak jemen ak rikejbarok im ewor an laijen in komadmod eja laajrak in kain wa an armij eo ewor an laijen, ej aikuj be iloan wa eo im eja aikuj jijjet ilo jea in bajinjea eo iturin armij eo ewor an laijen.

(c) Armij eo elon an kakien in laijen emaron ettor ikotaan awa ko 11:00 bon. im 5:00 jibbon. ilo an ejellok jinen ak jemen ak rikejbarok eo ewor an laijen ilo waween laajrak ko:

(1) Armij eo ewor an kakien in laijen ej etal nan ak jen jikin jermal eo an armij eo ewor an kakien in laijen, an makutkut wa eo aikuj kin wun in, im armij eo ewor an kakien in laijen enaj likut laijen in kakien eo an ibben ilo an jaini juon beba in kamool jen jikin jermal eo an im ekoba etan, atorej, nomba in talebon eo an jikin jermal eo im kamool kin jerba eo im awa in jermal; ak

(2) Lajen in ekatak eo ej etal nan ak jen juon makutkut in jikuul emoj komelim an armij eo ewor an kakien in laijen, an makutkut wa eo aikuj kin wun in, im armij eo ewor an kakien in laijen enaj likut laijen in kakien eo an ibben ilo an jaini juon beba in kamool jen jinen ak jemen ak rikejbarok ewor etan, atorej, nomba in talebon jen jinen ak jemen ak rikejbarok im kamool ke an wa eo jermal jen armij eo ej kattore ej aikuj nan an ito tak nan ak jen makutkut in jikuul eo emoj komelim;

lelok we laijen in ekatak eo ejab aikuij in ektak elonlok jen juon armij ediklok jen jonoul ruwalitok an yio ikotaan awa kein 11:00 awa bon im 5:00 awa jibbon ilo an ejellok ej etal ibben lok ak lale jen rikattor eo ewor an laijen im ej jinen ak jemen ak rikejbarok.

## **Kajitok 27: Juon jodikdik emaron ke jermal part-time? Ta kakien eo kin an jodikdik ro jermal?**

**Uwaak: Aet.** Juon jodikdik eo ej bed ilo kejbarok eo an foster emaron bok jermal in part time toon wot aer loor Kakien ko an Ajiri ro rej Jermal. Ro rej Lelok Jiban in Kejbarok im rijerbal ro ilo Jikin Kejbarok Ajiri rej **rojan** im **jiban** an jodikdik ro jermal part time bwe ej jiban er katak kin kapeel in mour, tiljek ilo aer jermal im katak kejbarok jaan. Ro rej Lelok Jiban in Kejbarok im rijerbal ro ilo Jikin Kejbarok Ajiri remaron jiban jodikdik eo pelane jermal, jikuul, im eddo ko an ilo imon jokwe eo.

Ro Rej Lelok Jiban in Kejbarok im rijerbal ro an Jikin Kejbarok Ajiri eo renaj jiban jodikdik eo lale jabdewot mennin kabanban ko nan aer jermal, einwot ial. Ilo ien emaron, lelok ial nan im jen jikin jermal eo an jodikdik eo ak loloorjak ke ewor ialen jodikdik eo nan im jen jikin jermal. Ekkar nan jikin eo an CWS, jodikdik eo emaron boke juon bus pass jen rijerbal eo an CWS ñe ejab Armij eo ej Lelok Jiban in Kejbaroke enaj aikuj wiaiki juon bus pass im Obij eo enaj karool lok wonnen. Jouj im lale ibben rijerba in CWS eo an jodikdik eo kin waween aer madmode bus pass ko an jodikdik. Ro rej Lelok Jiban in Kejbarok im rej lelok ial nan im jen jikin jermal eo an jodikdik eo remaron claim mael in wa ko waer.

### **Kakien ko ikijen an Ajiri Jermal**

§390-2 An jermal jodikdik ro rediklok jen jonoul ruwalitok aer yio. (a) Ejellok jodikdik eo ediklok jen jonoul ruwalitok an yio enaj jermal ak melim an jermal ilo, kin ak kobalok ilo jabdewot jermal ej bok tobrak ilo jabdewot ien ijellokun ne emoj likut ilo jekjon in. Ejellok jabdewot waween, juon jodikdik enaj melim an jermal ak melim an jermal ilo, kin ak kobalok ilo kamono ko an jiron im likao ak bok jabdewot tobrak in jermal ejab melim iomwin kakien ak emoj kojella iomwin kakien eo an ritel eo ke ekauwotata nan jodikdik eo.

(b) Juon jodikdik eo emoj an jonoul jiljino an yio botab ejanin jonoul ruwalitok emaron wor ien an jermal ilo ien eo jodikdik eo ejab melim iomwin kakien an bed ilo jikuul ak ilo ien eo emoj an ritel ro an jikuul



komelim an jodikdik eo jab bed ilo jikuul; ilo an jikin jermal eo kejbarok rekoot im beba ko nan kamool jonan yio eo an jodikdik jen obj eo.

(c) Emoj an jodikdik eo tobar jonoul emen an yio botab ejab jonoul jiljino an yio emaron jermal ak melim an jermal:

- (1) Ilo ien ko juon jodikdik ejab aikuj iomwin kakien nan an bed ilo jikuul ak ilo ien eo emoj an ritel ro an jikuul komelim an jodikdik eo jab bed ilo jikuul;
  - (2) Elane jikin jermal eo an jodikdik eo enaj wonmaanlok im kejbarok bael in beba in kamool kin an jermal;
  - (3) Ejab lablok jen lalem awa ilo an wonmaanlok ilo an ejellok jab diklok jen jilnoul minit nan an kakkije ak mona in raelab;
  - (4) Ikotaan 7:00 jibbon. im 7:00 jota, jabdewot raan; lelok bwe jabdewot ien kakkije an jikuul emoj komelim, jodikdik eo emaron jermal ikotaan 6:00 jibbon im 9:00 jota.;
  - (5) Ejab lablok jen jiljino raan kaju;
  - (6) Enjab lablok jen jonoul ruwalitok awa ilo wiik in kolanta im jodikdik eo aikuj jikuul iomwin kakien, im ejab lablok jen enoul awa ilo juon wiik in kolanta ilo ien eo jodikdik eo ejab aikuj iomwin kakien bed ilo jikuul ak ilo ien eo emoj an ritel ro an jikuul komelim an jab bed ilo jikuul;
  - (7) Ejab lablok jen jilu awa ilo jabdewot raan in jikuul; im
  - (8) Enjab lablok jen ruwalitok awa ilo jabdewot raan ejellok jikuul.
- (d) Ajri ro ilalin jonoul emen yio remaron jermal ak komelim aer jermal ilo jermal ko ikijen tieta ak ilo jikin kallib in kobae iomwin jabdewot waween im kakien ko emoj an ritel eo kalikar; im:
- (1) Jermal eo ej komman ilo ien ko jodikdik eo ejab aikuj iomwin kakien bed ilo jikuul ak ilo ien eo emoj an ritel ro an jikuul komelim an jodikdik eo jab bed ilo jikuul;
  - (2) Ikijen jermal ilo jikin kallib ko an kobe, emoj an ritel eo loe ke ien ronjak eo juon rutto ej kommane jermal eo im ejab maron; im
  - (3) Jikin jermal eo an ajiri eo boke im kejbarok bael in beba in kamool jermal. [L 1969, c 162, pt of §2; am L 1977, c 86, §1; gen ch 1985; am L 2003, c 61, §3]

## KAJITOK KO JET

### **Kajitok 28: Aikuj ke wor komelim mokta lok jen jinen ak jemen ak rikejbaroknan an juon ajiri/jodikdik mwijbar/kalore boran?**

**Uwaak:** Kakien eo an obj eo ej **komelim eo an jinen ak jemen ak rikejbarok eo ej mennin aikuj** nan an ajiri/jodikdik eo mwijbar, kalore boran, ili im eoiki enbwinnin. Armij eo ej Lelok Jiban in Kejbarok ak Jikin eo ej Kejbarok Ajiri rej aikuj bok melele jen rijermal in CWS eo an ajiri eo, im ae eo enaj kebaak jinen im jemen. Elane ejellok melele ia eo jinen im jemen ajiri eo rebed ie ak jinen im jemen rejab uwaan, kajitok eo aikuj etal nan GAL im Jikin Ekajet eo an Baamle.

Kelet eo an jinen im jemen: (jet jinen im jemen rejanin kar mwijiti boran ajiri eo nejeir jen ke rar lotak, jet jinen im jemen rekonaan bed ilo ien an ajiri eo nejeir mwijbar ak ili lojilñier), kabun, manit, im waween ko an baamle eo, rej aikuj lomnak kin men kein.

*Kakien in Madmod ko an Hawaii 17-1625-47 Kejbarok an baamle eo kobalok ibben doon.*

*(a) Juon jermal eo kein kajuon an baamle ko rej lelok jiban in kejbarok ej nan loloorjak an jeim jati, molin jinen im jemen, ro nukkun, im ro rej kobalok maron kebaak doon.*

### **Kajitok 29: Ro rej Lelok Jibañ in Kejbarok remaron ke kabok jikin lelok komadmod in jiban nan ajiri/jodikdik eo rej kejbaroke?**

**Uwaak:** Ejab an eo Armij eo ej Lelok Jiban in Kejbarok eddo in bukot juon eo ej lelok jiban in kainemmon nan ajiri/jodikdik eo. Botab ro rej Lelok Jiban in Kejbarok remaron

kar wor ajiri/jodikdi ro jet emoj aer aer kar kojerbal jet rijerbal ro rej lelok jiban in kainemmon im remaron komman an mokajlok an ajiri/jodikdik eo boke jiban eo ilo ien eo emokajlok. Obij eo ejab kebaak ro rej lelok jiban im elane ewor komadmod in jiban eo ej make wot rej aikuj (einwot kakkure kin mantin lon) ro rej lelok jiban in kejbarok aoleb ien rej aikuj kenono ibben rijerbal eo an ajiri eo nan loloorjak ke aoleb jonan wot juon melele ko ibbeir kin bebe in komadmod eo an ajiri/jodikdik eo.

***Kajitok 30:* Ro rej lale ajiri im rej lale ajiri/jodikdik eo im ej bed ilo kejbarok eo an foster rej ke aikuj kommane juon Etale kin Melele ko Maanlok kin aer kar Rubrub Kakien ko relab ilo State eo an Hawaii ikijen Kojorraan im Kajool Ajiri (CA/N)?**

***Uwaak: Jab.*** Armij eo ej Lelok Jiban in Kejbarok ej an eddo in loloorjak ke rilale ajiri eo ekkar nan an kadedelok jermal eo im emoj lelok melele in kajinet kin ta eo en kommane ilo ien ewor idin jorraan. Im elablok, laajrak ko kin lelok katak kin bōd im an jab ajeeded melele ren lelok nan rilale ajiri eo.

Elane Armij eo ej Lelok Jiban in Kejbarok ej bok jiban ikijen kejbarok ajiri jen Obij eo ej Bok Eddon Jiban ko an Armij, Obij eo ej Bok Eddon Jiban in Jermal nan Armij ro ilo Jikin eo (BESSD) nan kolla wonnen lale ajiri, ibben Armij eo ej Lelok Jiban in Kejbarok aikuj loloorjak ke armij eo ej lale ajiri eo ej loor Kakien in Madmod ko an Hawaii 17-798.2 ikijen Jiban ko nan Lale Ajiri.

**EMOJ KILE EBAN JORRAAN KAKIEN**

***Kajitok 31:* Ta enaj walok elane inaj kojerbal jonan nejnej eo emmon jonan im niknik ilo ao komelim an ajiri ak jodikdik eo ij kejbaroke bwe en bok kwonaan ilo makutkut in ikkure keem ko, manit, kobalok ibben ro jet im an jikuul im rekkan nan jonan yio im kolmenlokjen eo an innem renaj jorraan?**

***Uwaak:*** Ro rej Lelok Jiban in Kejbarok im rikejbarok ro ilo jikin ko an CCI enaj wor aer kejbarok emoj kile jen kakien toon wot an armij eo ej lelok jiban in kejbarok wor an melele im kapeel ikijen jonan nejnej ko remmon im niknik nan an ajiri/jodikdik eo bok kwonaan ilo makutkut ko rekkan nan jonan yio im kolmenlokjen eo an. Jela im melele kin jonan an juon ajiri maron katak, lomnak, enbwinnin, im manit ko an, im an jela im kapeel ko an ikijen an lelok jonan eo nan komman lomnak elane nan komelim an ajiri/jodikdik eo bok kwonaan ilo makutkut ko alikin jikuul, kolablok kapeel, manit, im kobalok ibben ro jet, ekoba ikkure keem ko, field tureep ko, makutkut ko rej kiki in bon im ettolok jen 1 ak lablok raan, im lomnak ko ikijen jain beba in komelim ak karoke ial in wa nan an ajiri/jodikdik eo etal nan im jen makutkut ko alikin jikuul, kolablok kapeel im kobalok ibben ro jet.

Melele ke juon ajiri ej ae make im oktak aikuj in kolmenlokjen ko an. Ta eo ekkar nan juon ajiri ilo mweo imom emaron jab emmon nan bar juon ajiri, jekdon juon wot aer yio. Kwon kajeon in lukkun jela im melele kin ajiri eo rej likut ibbam. Lale ta eo emmon ibbeir, ta eo rekonaan kommani, innem rojan im jiban bwe ren kommani.

Kakien in Madmod ko Hawaii Emoj Kokkaal (HRS) 346-17 "Emōj Kile Rejab Jelot Iomwin Kakien" Jabdewot armij eo ej lelok jiban in kejbarok ak jikin kejbarok ajiri eo emoj lelok juon beba in kamool nan komelim ekkar nan jekjon in enaj ejellok ruen nan eddo in juon madmod in kakien nan jorraan ko renaj walok nan jorraan, mij, ak jako juon armij ak mweiuk im ej jemlok kin an kar komelim an juon ajiri eo ej bed iomwin kejbarok eo an juon ak jikin kejbarok an foster bok kwonaan ilo juon makutkut alikin jikuul, manit, ak kobalok ibben ro jet; im komelim eo ej ekkar nan jonan nejnej eo emmon im niknik emoj komelele ilo taitol 42 Kakien eo an Amedka jekjon 675 (10) (A).